

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
SLUŽBA ZA BORAČKO-INVALIDSKU
SOCIJALNU ZAŠTITU, OPĆU UPRAVU I DRUŠTVENE DJELATNOSTI**

**Broj: 03-- 17
Datum: 17. 04. 2017.god.**

**PROGRAM O SUFINANSIRANJU IZ BUDŽETA OPĆINE
MAGLAJ U OBLASTI
OBRAZOVANJA ,KULTURE, SPORTA, SOCIJALNE
ZAŠTITE, DEMOGRAFSKOG RAZVOJA, NVO, I UG
ZA 2017. GODINU**

Maglaj, april/travanj 2017. godine

UVOD

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08), Budžeta Općine Maglaj za 2017. Godinu i člana 23. Odluke o izvršavanju Budžeta Općine Maglaj za 2017. godinu ("Službene novine Općine Maglaj", broj: 8/16), na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi Kriterije za svaku Budžetsku godinu Ovim Kriterijima za sve grantove utvrđuju se uslovi, način i postupak dodjele novčanih sredstava iz Budžeta Općine Maglaj za 2017. godinu sa transfera koji su dokumentom Budžeta utvrđeni kao takvi građanima općine Maglaj.

Za slijedeće kategorije :

1. Za dodjelu sredstava iz Budžeta Općine Maglaj za 2017. godinu sa transfera "Prijevoz učenika"
2. Za utrošak sredstava iz Budžeta općine Maglaj za 2017. godinu sa transfera "Socijalna i zdravstvena zaštita, elementarne nužne životne potrebe raseljenih osoba i ostalog stanovništava na minimumu egzistencije"
3. Za dodjelu sredstava iz Budžeta Općine Maglaj za 2017. godinu sa transfera „Transfer za stambeno zbrinjavanje socijalno ugroženih kategorija stanovništva
4. Za dodjelu sredstava iz Budžeta općine Maglaj za 2017. godinu sa transfera "Novčane pomoći za ugradnju doniranog materijala raseljenim osobama prognanicima i izbjeglicama povratnicima "
5. Za dodjelu sredstava iz Budžeta Općine Maglaj za 2017. godinu sa transfera "Stambeno zbrinjavanje, sanacija i adaptacija stambenog prostora boračkih populacija"
6. Za dodjelu sredstava iz Budžeta Općine Maglaj za 2017. godinu sa transfera "Plaćanje specijalističkih pregleda boračkih populacija i CŽR , operacija, troškova liječenja i nabavke lijekova, ortopedskih pomagala, plaćanje ogrijeva, socijalna i zdravstvena zaštita i sl."
7. Za utrošak sredstava iz Budžeta općine Maglaj za 2017. godinu sa transfera "Elementarne nužne životne potrebe lica i porodica u stanju socijalne potrebe kojima je usljed okolnosti (repatrijacije, migracije, elementarne nepogode, smrti jednog ili više članova porodice, bolesti, povratka sa liječenja i sl.) potreban odgovarajući oblik socijalne zaštite"
8. Za utrošak sredstava za redovan rad MZ-ca
9. Za dodjelu sredstava iz Budžeta Općine Maglaj za 2017. godinu sa transfera "Stipendije posebno nadarenim učenicima-studentima-sportistima i učenicima-studentima iz socijalno ugrožene kategorije stanovništva"

10. Za utrošak sredstava iz Budžeta općine Maglaj za 2017. godinu sa transfera " Poticaj demografskom razvoju (poticaj za natalitet)
11. Za utrošak sredstava iz Budžeta općine Maglaj za 2017. godinu sa transfera "Učešće Općine u projektima povratka, reintegracije , rekonstrukcije , održivog povratka za raseljena lica "
12. Za dodjelu sredstava iz Budžeta Općine Maglaj za 2017. godinu sa transfera „Transfer za stambeno zbrinjavanje socijalno ugroženih kategorija stanovništva ”
13. Za dodjelu stipendija redovnim studentima dodiplomskog studija sa područja općine Maglaj za akademsku 2016/2017. godinu i naredne godine

Zajedničke odrednice

1. Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.
2. Sredstva po ovim Kriterijima ne mogu ostvariti osobe za koje se utvrdi da su u zahtjevu i priloženoj dokumentaciji prikriji ili dali netačne podatke ili dokumente.
3. U postupku po zahtjevu Služba za boračko-invalidsku i socijalnu zaštitu , opću upravu i društvene djelatnosti je dužna isti razmotriti, utvrditi kompletnost podnesene dokumentacije i zahtjevati otklanjanje uočenih nedostataka i eventualnu dopunu dokumentacije, izvršiti potrebne provjere, utvrditi opravdanost zahtjeva te shodno utvrđenom predložiti Općinskom načelniku odobravanje novčane pomoći ili odbijanje zahtjeva.
4. Odluku o dodjeli novčane pomoći u skladu sa ovim Kriterijima donosi Općinski načelnik na prijedlog Službe.
5. Novčana pomoć u skladu sa ovim Kriterijima , može se odobriti u iznosu do 200,00 KM, a istom licu/porodici može se odobriti samo jedanput u toku budžetske 2017. godine.
6. Izuzetno, u slučaju naročito teške bolesti ili stanju izuzetne socijalne potrebe , novčana pomoć se može odobriti u iznosu većem od 200,00 KM, a maksimalno u iznosu od 500,00 KM.
7. Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem Blagajne Općine Maglaj na tekuće račune korisnika pomoći.
8. Služba za boračko-invalidsku i socijalnu zaštitu , opću upravu i društvene djelatnosti dužna je voditi elektronsku evidenciju o dodjeljenim sredstvima po osnovu novčanih pomoći utvrđenih ovim Kriterijima.
9. Sredstva po ovim Kriterijima ne mogu ostvariti osobe za koje se utvrdi da su u zahtjevu i priloženoj dokumentaciji prikriji ili dali netačne podatke ili dokumente.
10. Kriteriji stupaju na snagu danom donošenja i objavit će se u "Službenim novinama Općine Maglaj".

OPĆI UVJETI

- Da imaju prebivalište na području općine Maglaj
- Da se nalaze na evidenciji resorne službe-za boračke kategorije
- Kućnu listu-Izjava o zajedničkom domaćinstvu
- Dokumentaciju koja opravdava zahtjev
- Uvjerenje o statusu samo za branitelje

Grantovi planirani Budžetom Općine Maglaj su takvi da je potrošnja jasno definisana u toku cijele godine . Određene kategorije propisane Kriterijima mogu dva puta u toku jedne kalendarske godine podnijeti zahtjev i dva puta u zavisnosti od oboljenja koje mora biti u skupini teških bolesti ili elementarne životne potrebe.Javna oglašavanja putem javnog poziva se upotrebljavaju za jednokratna novčana davanja za studente u toku studijske godine za koju Odluku, kriterije i visinu isoplata uređuje i donosi Općinsko vijeće

Grant omladinski projekata i NVO se objavljuju pa se transparentno pa se i informišu u pogledu dostavljanja projekata. U ranijim periodima održavale su se i edukativne radionice putem međunarodnih organizacija da se što bolje rade projekti i da se pojača njihova spremnost za aplikacije na višim nivoima vlasti. U oblasti kulture imperativno je zatraženo kvalitetniji pristup obilježavanja kulturnih događanja u našoj općini sa posebnim osvrtom na tradicionalne manifestacije kao i nove kreativnosti i bolji angažmani za ovu vrstu djelatnosti . Za istaknute potrebe Općinski načelnik je oformio Komisije ali i druge timove afirmisanih osoba za provedbu ovih aktivnosti .

Pojednostavljenje određenih procedura

U zavisnosti od granta za koji su propisani kriteriji utvrđene su pojednostavljene procedure za razliku od raniji godina i to:

- U većini kriterija ne treba uvjerenje porezne uprave
- Ne treba uvjerenje o posjedovanju ili ne Posjedovanju ličnog vozila
- Ne treba niti jedan izvod iz matičnih knjiga
- Ne treba dodatna uvjerenja iz Centra za socijalni rad
- Ne trebaju potvrde o školovanju djece do završene srednje škole
- Ne trebaju izjave o korištenju ranijih pomoći
- Ne trebaju uvjerenja o korištenju ranijih pomoći
- Daju se mjesečne karte za jedno polugodište a ne za mjesec dana
-

EVAULACIJA

Prijemom stranaka kod načelnika svakog četvrtka usmeno se obavljaju razgovori sa građanima koji se obraćaju za pomoć te odmah po obavljenom razgovoru se uvode u procedure puštanja tih pomoći uz adekvatnu uslugu radnika u općinskoj administraciji.

Kriteriji su objavljeni u Službenim novinama Općine Maglaj i provedbe po individualno podnesenim zahtjevima su u toku.

Komisije su po kalendarima aktivnosti kakao sportskih klubova tako i Projekata iz oblasti kulture odredile šta je činiti i obilježavati u 2017. godini

Omladinski projekti i Projekti NVO sektora su urađeni Javni pozivi i neophodno je da se završi još jedan korak u smislu saglasnosti Općinskog načelnika za puštanje u proceduru još ova dva granta za javno oglašavanje

S naprijed navedenim jasno i nedvojbeno možemo konstatovati da su svi zacrtani Planovi resorne Službe u realizaciji bez nekih zapaženih smetnji u provedbenim procedurama .

Završni osvrt

Ukoliko zbog nedostatka sredstava u Budžetu Općine Maglaj ne dođe do realizacije ovih grantova svi ne realizirani podneseni zahtjevi i Projekti se prenose u cjelosti obrađeni sa utvrđenim iznosima u januar naredne godine čiju dinamiku isplate određuje Općinski načelnik , te niko neće biti uskraćen za finansiranje odobrenog.

Obradivač:
Azra Čakrama

**Služba za borački-invalidsku, socijalnu zaštitu,
opću upravu i društvene djelatnosti.**